


麗史提綱








麗史提綱序

麗史提綱序  
卷之二十七

高麗史凡一百三十七卷有世  
家有列傳有志有表辭事散出  
不可領要帝南俞剛公蔡為是之  
病略依朱子凡例表年著統大







麗史提綱序

麗史提綱十三冊廿三卷  
朝鮮俞鼎休撰

高麗史凡一百三十七卷。有世家。有列傳。有志。有表。辭事散出。不可領要。市南俞剛公。祭為是之。病略依朱子凡例。表年著統大。



書提要而又分註以備事總十  
二卷名曰麗史提綱嗚呼欲知  
麗氏始終者觀於是而可以如  
指掌矣蓋嘗論之麗祖之功可  
謂盛矣其歷世至於四百七十



年之多無恠也。然四百七十年  
之間。治日絕少。而亂日甚多。至  
於中葉以後。則其亂尤甚矣。然  
究其所以然。則莫不由荒怠淫  
佚。以喪其修齊之道。故卒為倫



綱弗正之歸逮自宣惠以後則  
又自以為結親胡元可恃以為  
安而無意於自治故卒至父子  
相圖君臣相譖妃匹亦相恨訟  
其君若漂偶凍雀之可哀其綿



延歲年者特負疾不死之象。今  
且如南海之揭陽韓文公尚以  
為遠惡。至有黃陵之禱而顧乃  
以千乘之君只與數十僮徒授  
畀於此而卒死於道路。至於吐



蕃之謫則又不忍言矣。羯獫之  
愛其可恃哉。故麗氏歷世之多  
不若不多之為愈也。然南宋之  
人尚稱其風俗之好何也。蓋當  
夷虜充塞之時。以嘗臣服於宋。



朝也艱關海陸朝聘猶通又嘗  
求醫密效忠款此實天理之不  
泯者故時有禮義之俗而見稱  
於中朝如此且受其臣忠義之  
報前有李益齋諸公後有鄭圃



隱諸賢其事迹昭著此皆屢書  
而不一書者也豈所謂積陰之  
中陽未嘗無者耶蓋嘗聞大綱  
槩舉而鑒戒著矣俞公此書殆  
庶幾焉昔司馬公編進資治通



鑑揆其名義蓋欲資世治而通

為後鑑也俞公用心之勤未必

不出於此而惜乎未及

奏御也然此書終不可私也儻

有天幸得蒙



睿覽則其有助於

聖朝之鑒戒也豈其少哉語曰  
法後王何也以其近也然則其  
所不可法者亦當愈近而愈為  
戒也愚既為是說以列篇首而



國有所感焉夫高麗以東表偏  
服距全閩萬有餘里而其見稱  
於朱夫子者甚詳其為榮耀豈  
止如華袞而已而為麗史者乃  
無一言以為引重者豈當時文



獻不足而然與我

朝風教專尚洛建一變麗俗使

當朱子之世則其所稱道又當

如何而謂今日又以為如何也

竊不勝慨然太息而曰掇麗朝



之猥見稱說者數條隨類附見  
使覽者有考焉嗚呼九原可作  
則市南公亦必莞余而笑也

宋禎丁未元月二十六日恩津

宋時烈序



宋韻略

卷之二十一 日 回 算

韻 市 南 公 必 範 金 所 缺 均

與 韻 者 有 未 知 焉 端 子 知 所 從 風 亦

之 美 司 律 焉 在 數 無 國 韻 準 焉



# 麗史提綱凡例

我東方自箕子以後即有文字而載籍無徵三國分爭各有文史然亦多不傳金富軾換三國史所載類皆荒誕不足憑信且世代遼遠國政沿革人物出處無可考信故今斷自高麗太祖即位之後編年作書名以麗史提綱麗史蓋倣歷代全史之體故其世家則只載年月綱領而已其餘國政沿革人物出處可鑑可戒者皆散在雜志列傳之中學者乍見漫



不省先後次序雖曰一書而其實三書也且  
卷秩甚多披覽未半輒至厭倦吳氏濔為是  
之病作纂要以便觀覽而但紀年則所載太  
略事實之可攷者盡在列傳是亦未免一冊  
而二書參考之難猶夫前也通鑑雖湊合成  
書而既無綱目之別編年之次觀者亦無以  
挈其綱要今姑取麗史世家綱領及諸書特  
筆者為之綱旁搜列傳雜志及諸書中事迹  
以為目而分注其下雖世家所不載而必當  
立綱處則亦別立綱而注其事至於筆法廢



貶則略倣舊史不敢以妄意多所增損

本國雖歲奉中國正朔而此書乃本國私紀故以本國紀年而分注中國年號於其下且書甲子於逐年之上行外以表之兼取其見於宋史者以訂其同異

此書雖起自麗祖之即位而當時新羅百濟尚存故麗祖統合以前則用綱目無統例列書三國於甲子下但麗濟皆本於羅故略用君臣之例

編年之際或春無可紀之事則有書夏夏秋冬



亦然若一年全無可紀之事則祇書年以表之而已不敢依春秋雖無事而必書春秋以成歲之例

凡一歲中但用月分編定而已不敢用春秋以日紀事之例

凡注事於綱領之下皆旁搜諸書考訂日月至於日月不可考而事不可不紀者及人物行迹相隣而無甚異同者則不別立綱而只以類附見焉

凡列傳雜志中但紀其年而無日月可考者則



不得已於逐年之末立綱以見焉

凡稱宗稱陛下太后太子節日詔制之類雖涉

僭偽今不可盡行刪削故只仍當時所稱

禍書紀年只仍吳氏纂要之例不敢有所改易

凡事大交隣朝聘往來雖煩必書天災時變雖

不可盡書而如日食地震彗孛飛流之類雖

煩必書至於星辰晝見風雷霜雹人妖物恠

等則只書其特異者焉

如燃燈八閩醮祀等事及其餘歷代例行而不

可盡紀者則只於始見處並著其首末



凡事有相連不可分紀者則或於首起處終言之使無散漫

凡除拜國相雖煩必書如君子小人表表用舍之處則雖非相職亦書

凡人物事迹隨事編摩而其有遺漏者則收入於書卒之下

凡官制沿革各隨當時所稱而書之

凡州縣名號各注今名於其下而不可考者則闕之

凡讖緯不經荒誕鄙俗之說今皆刪去祇存其



近實者

凡有可疑不可為典要者則分注錄之以附傳  
疑之義

凡諸書中先儒及史家評論間取而芟載之當  
時史官則稱史臣後曰撰史時諸臣則稱史  
氏若其人姓名可考者則皆書某氏某  
凡文字艱澁難看差謬可疑處不敢輒改並仍  
其舊

凡附愚見處則以按字別之而圈其上



山前忽見猿猴之跡  
其下則其王

其下則其王

山前忽見猿猴之跡  
其下則其王

其下則其王

其下則其王

其下則其王

其下則其王

其下則其王

其下則其王



麗史提綱纂輯諸書

高麗史

東國通鑑

東國史略

東國兵鑑

東史纂要

益齋亂稿

櫟翁稗說

牧隱集



破閑集

補閑集

錦南集

慵齋叢話

青坡劇談

筆苑雜記

輿地勝覽

張文忠公詩集卷之四



麗史提綱目錄

卷之一

太祖上

卷之二

太祖下

惠宗

定宗

光宗

景宗

卷之三

成宗

穆宗

卷之四

顯宗



卷之五

德宗 獻宗 靖宗 肅宗 文宗上

卷之六

文宗下 順宗 宣宗

卷之七

睿宗 仁宗 英宗

卷之八

仁宗 英宗下

卷之九

毅宗 英宗



卷之十

明宗

卷之十一

神宗

熙宗

康宗

高宗上

卷之十二

高宗中

卷之十三

高宗下

元宗上

卷之十四

元宗下



卷之十五

忠烈王上

卷之十六

忠烈王下

卷之十七

忠宣王

忠肅王

卷之十八

忠惠王

忠穆王上

卷之十九

忠穆王下

忠定王

恭愍王上



卷之二十

恭愍王中

卷之二十一

恭愍王下

卷之二十二

辛禡上

卷之二十三

辛禡下 辛昌



卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一

卷之十一



麗史提綱卷之一

太祖紀

姓王氏名建隆之子

戊辰新羅景明王二年○後石濟  
寅二十六年○高麗天授元年

○後梁貞明四年  
○契丹神冊三

年夏六月恭封諸將立王建為

王國號高麗恭封王弓裔走死



初泰封王弓裔免虐日肆羣臣震懼莫保朝夕  
騎將洪儒裴玄慶申崇謙卜智謙等相與密謀  
夜詣王建第謂建曰自三韓分裂羣盜競起今  
王奮臂大呼夷滅草寇三分遼左據有太半立  
國定都將二紀餘今不克終縱虐太甚淫刑以  
逞殺妻戮子誅夷臣僚民墜塗炭疾之如讐桀  
紂之惡無以加也廢昏立明天下之大義請公  
行殷周之事建作色拒之曰吾以忠義自許王  
雖暴亂安敢有二心以臣伐君斯謂革命子實  
不德敢效湯武之事乎古人云一日為君終身



為主。況延陵季子曰：有國非吾節也，乃去而耕焉。吾豈過延陵之節乎？儒等曰：時難遭而易失，天與不取，反受其殃。國中民庶受其毒痛者，日夜思欲復之。且權位重者，並遭虐殺，略無所遺。今之德望未有居公右者，衆情所以望公也。公若不從，吾等死無日矣。建夫人柳氏從帳中出，謂建曰：舉義代虐，自古而然。今聞諸將議，妾猶奮發，況大丈夫乎？手提甲領，以被之。諸將遂扶擁而出。行，君臣之禮，黎明令人馳且呼曰：王公已舉義旗矣。國人聞風來赴者，甚衆，先至宮門。



鼓噪以待者亦萬餘人。裔聞之驚駭曰：「王公得之，吾事已矣。」遂從北門出，變服亡去，尋為斧壤。

今平康

民所害，建遂即王位。國號高麗，建元天授。

○弓裔者，新羅憲安王之子也。以重午日生，憲安王以俗忌惡之，使人殺之。使者取襁褓中投之樓下，乳婢竊捧手觸眇一目，遂抱逃而竊養之。年十餘，祝髮為僧。既長，軒輊有膽氣，見國家衰亂，遂嘯聚羣盜，據北原。州今原其後略地漸廣，盡有高句麗之地。都鐵原，自稱泰封王。猜忍驕虐，誣構臣下以叛逆，曰：「殺數百將相遇害者。」



十有八九其妻姜氏正色諫之商怒以烈火燒  
鐵杵撞其陰殺之並殺其二子臣民惴惴大小  
離心故及於敗○王建松嶽郡人建父隆世居  
松嶽唐乾符四年丁酉生建於松嶽南茅神光  
紫氣耀室充庭幼而聰明睿智龍顏曰角方頤  
廣額器度雄深語音洪大有濟世之量新羅末  
弓裔據高句麗故地都鐵原隆時為松嶽郡沙  
梨新羅官名以郡歸裔裔大喜隆說裔曰大王若欲  
王朝鮮卞韓肅慎之地莫如先城松嶽以吾長  
子建為其守裔從之使建等勅禦塹城京在松仍



為城主時年二十其後為裔略地功甚多進為

閼粲

新羅官名

時弓裔淫虐日甚誅殺相繼常自言

我得彌勒觀心法能知人陰私一日召建怒目

視之曰卿昨夜聚眾謀反何耶建神色自若輒

然而笑曰烏有是哉裔曰卿莫給我我能觀心

所以知也我將入定以觀了說其事乃合眼負

手仰天良久時掌奏崔凝在側佯墮筆下庭取

之過建微語曰不服則危建乃悟曰臣實謀反

罪當萬死裔大笑曰卿可謂直也即以金銀粧

鞍轡賜之曰卿勿復誑我使將水軍由海道出



之... 仁...

此... 仁...

此... 仁...

此... 仁...

此... 仁...

此... 仁...

此... 仁...

此... 仁...

此... 仁...

此... 仁...



此詩三十一上其意有  
詩人吟時三言成五  
我知此詩仁仁如新  
此之詩好吟凡幾世  
推而及中其有是此  
可謂無也我詩人正  
此詩我意人時可也  
之是詩我意人時可  
作是詩我意人時可  
我之詩我意人時可



之王杖策立厲聲叱之曰朕雖以汝輩之力至此豈非天乎天命已定汝敢爾耶宣吉見王神色自若疑有伏甲與衆走出衛士追及毬庭盡擒殺之香寔後至知事敗亦止走追兵獲殺之

# 高麗以朴儒參斷國政

儒海州人  
性質直通

經史初仕弓裔見政亂棄官隱山谷間至是來見王以禮待之謂曰致理之道惟在求賢今卿之來如得傳巖渭濱之士仍賜冠帶令管機要參斷國政賜姓王氏高麗大



將軍伊所嚴謀殺伏誅

所嚴乃裔末年守熊

州今公聞王即位潛懷禍心不召自至刑臺令

閻義等知其陰謀以告王王以情分素厚故不

忍加法其後所嚴殺狀益著遂下獄王親讓之

曰汝素蓄兇心自陷刑辟法者天下之公不可

私撓遂誅之

不問黨與

秋八月高麗遣使于

新羅後百濟

王初即位恐邊境構患分遣使臣重幣卑辭以示和



好之意

後百濟王甄萱遣使聘于

高麗

萱尚州加恩縣人本姓李父阿慈介以農自活起家為將軍生萱幼而俊異年

十五自姓甄及長體貌雄奇志氣倜儻為新羅

南海防戍裨將及羅政漸亂萱囑聚山命襲武

珍州今光州自立為王國號後百濟後都完山今

州拓土漸廣盡有百濟故地至是聞高麗王即

位遣使來賀王使人迎

于甘蒲縣厚禮遣之

高麗熊運等十



餘州反附于百濟

運今洪州

○高麗初

定租稅征賦法

乃商專事徵歛征賦無藝百姓怨若流亡者多

至是改定租稅征賦用天下通法民乃安之

九月高麗以侍

中具鎮為羅州道大行臺

鎮辭以久勞于

前主不肯行王不悅謂劉權說曰昔子歷試險阻而未嘗告勞者實懼嚴威也今鎮固辭不行



可乎權說對曰實以勸善罰以懲惡宜加  
嚴刑以戒羣下王然之鎮懼謝罪遂行

高

麗以王式廉為廣平侍郎出鎮

平壤

王謂羣臣曰平壤故都荒廢雖久基址  
尚存而荆棘滋茂蕃人遊獵於其間因

而侵掠邊邑為害大矣宜徙民實之以固藩屏  
為百世之利遂以平壤為大都護府遣式廉守

之式廉王

高麗遣將軍能植鎮清

之堂茅也



州

初王以清州多變詐遣將軍洪儒度黔弼以兵千餘人鎮鎮州今鎮川以備之後聞清

州密與百濟通好叛王王遣植將兵鎮撫州人不克叛

冬十一月

高麗設八關會

里日設八關會於關庭置輪燈一坐列香燈四

傍又結兩祿棚呈百戲歌舞於前皆新羅故事也八關之戒一曰不殺生二曰不偷盜三曰不淫泆四曰不妄語五曰不飲酒六曰不坐高大床七曰不著香華八曰不自樂觀聽自此每歲



仲冬之望常設會以為恒式崔氏溥曰新羅真  
興王始行八關之會其無稽作俑之罪大矣麗  
祖自謂得國資諸佛衛護設燃燈八關以之定  
朝儀為國家大事是豈貽燕之謨乎終高麗之  
世君臣同樂以為先務能知此會之不經而  
毅然革罷者一咸宗之外無聞焉可勝歎哉

己新羅景明三年○後百濟二  
卯十七年○高麗天授二年

○後梁貞明五年  
○契丹神冊四

年春正月高麗移都于松山獄  
宮



開置三省六尚書官九寺立市廛辨  
坊里分五部置六衛改鐵原為東州

高麗

初十寺于都內

創王輪法王等十寺于  
都城之內兩京塔廟皆

像之廢缺者並令修葺時王留意陰陽浮屠之  
術參謀崔凝諫曰傳云當亂修文以得人心王  
者雖當軍旅之時必修文德未聞依浮屠陰陽  
以成大業也王曰斯言朕豈不知然我國土俗  
好佛神欲資福利方今兵革未息安危未決朝  
夕栖遑不知所措唯思佛神陰助山川靈應倘



有效於姑息。豈以此為理國得民之大經乎？待  
亂定居安，方可以移風俗，美教化也。按麗祖立國屬日規  
模制作固多，未遑而十寺之制乃在。立廟定社  
之前，何其先後之倒置也？是麗祖非但不能革  
羅季侮佛之弊，化蓋亦效尤而甚者也。其後世  
子孫之崇奉，信惑有不足深責此麗氏之所以  
每欲寢夷而終不能免於夷也。

# 高麗追王三代

尊曾祖考為始祖元德大王妣

為貞和王后祖考為懿祖景康大王妣為元昌王后考為世祖威武大王妣為威肅王后

# 高麗城平壤

始置西京官僚



庚辰新羅景明四年○後百濟二○  
後梁貞明六年  
契丹神冊五

年春正月新羅遣使聘于高麗

時道路多梗至秋九月百濟遣使聘  
是始遣使通好

于高麗○冬十月百濟寇新羅

萱攻陷大良川今陝仇史在慶二郡至于進禮郡

山今錦王遣使求救於高麗高麗遣兵救之萱遂



引兵還自此怨

高麗始有隙

高麗王巡撫北界

初

裔將尹瑄見裔縱虐遂率其黨走北界聚衆至二千餘人居鶻巖城召黑水蕃種久為邊患聞

王即位率衆來王以北界數為

狄人所侵反覆可虞親幸鎮撫之

辛

新羅景明五年○後百濟二

○後梁龍德元年

己

十九年○高麗天授四年

○契丹神冊六

年

春二月黑水酋長高子羅率



衆附于高麗○達姑狄寇新羅

高麗邀擊大敗之

達姑狄北胡別部也將入寇新羅道

由登州興永

高麗將軍堅權邀擊大敗之匹

馬無還者新羅王聞之喜遣使致謝于高麗

冬十月高麗王幸西京○十二

月高麗冊子武為正循

初王之出鎮羅州也



幸木浦在羅州

居民女吳氏生子武至是王欲立

以為嗣以其母側微恐不得立乃以故笥盛柘

黃袍賜吳氏吳氏以示大匡朴述熙述熙揣知

王意請立武為正胤王從之正胤即太子也

壬新羅景明六年○後百濟○後梁龍德二年○

午三十年○高麗天授五年○契丹夫贊元年

春二月契丹遣使聘于高麗○

秋七月新羅溟州將軍順式遣



子請降于高麗

順式守溟州陵江久不

曰順式父許越今為僧在內院宜遣諭之王從之順式遣子歸附後與其諸子率眾來朝賜姓

王冬十二月新羅有真寶城主金洪

術遣使降于高麗○高麗王辛

西京

是歲徙諸郡良家子弟以實西京每歲末巡幸以為常



癸新羅景明七年○後百濟三  
未十一年○高麗天授六年  
○後唐同光元年  
○契丹天贊二

年春三月高麗以新羅下枝縣

將軍元奉為元尹

下枝縣今安東奉  
屬縣豐山縣  
聞王威德以城來

降故有夏六月新羅命旨城將軍

是命

城達降于高麗

命旨  
城今  
川抱

○秋八月新



羅碧珍郡將軍良文降于高麗

碧珍  
今星  
州

甲申 新羅景明八年○後百濟三  
十一年○高麗天授七年○  
後唐同光二年  
契丹天資三

年秋七月百濟侵高麗  
百濟王萱  
遣子須彌

康良劍等來攻曹勿郡王命將軍哀宣王忠救  
之哀宣戰死郡人固守須彌康等失利而歸



八月百濟遣使聘于高麗○九

月新羅王昇英薨母弟魏膺立

謚景明王當羅氏之哀境

土曰蹙僅能繼祀而已

高麗遣使吊

新羅麗王聞新羅王薨為之舉  
哀設齋追福遣使來吊

新羅景哀王元年○後百濟  
後唐同光三年

西 三十三年○高麗天授八年  
契丹天贊四



年春三月高麗王幸西京○秋

九月新羅買曹城將軍能玄降

于高麗○冬十月新羅高鬱府

將軍能文降于高麗

高鬱府  
川今永

○高麗

遣征西大將軍庾黔弼攻百濟



初王患北界鶻巖鎮數為北狄所侵遣黔弼鎮  
之黔弼至鎮等大城於鶻巖東山招集北蕃酋  
長三百餘人饗之酒食乘其醉脅之以威諸酋  
皆服遂遣使諸部曰爾酋長既服爾等亦可歸  
順於是諸部相率來附威惠大行北土以寧至  
是王以黔弼功多拜征西大將軍召還使攻石  
濟燕山鎮義今文斬石濟將吉奧又攻任存郡今  
興殺獲三千餘人是月王聞甄萱將北遂自將  
而南黔弼引兵會之

高麗王自將伐石濟及



石濟王萱戰于曹勿郡石濟請

和高麗許之

王引兵至曹勿石濟王萱亦至濟兵銳甚上軍將悌

弓中軍將三忠等戰不利獨下軍將朴守卿力戰得捷王欲與相持以老其師既而征西將軍庾黔弼將兵來會兵勢大振萱懼遣使乞和王許之萱以外甥真肅為質王亦以堂弟王信交質以萱十年之長稱為尚父王欲召萱至營論事黔弼諫曰人心難測豈可輕與敵相狎王乃



止新羅王聞高麗與百濟和遣使告麗  
王曰萱反覆多詐不可親麗王然之

十一

月耽羅貢方物于高麗○百濟

寇新羅取居昌等二十餘城○

百濟遣使稱藩于後唐

唐策萱為百濟王

丙新羅景哀二年○後百濟三

○後唐天成元年

戊十四年○高麗天授九年

○契丹天顯元



年夏四月百濟侵高麗

百濟質子真帝死於

高麗麗王送其喪歸萱以為高麗殺之遂殺王  
信進軍熊津麗王命諸城堅壁不出新羅聞之  
遣使告麗王曰甄萱違盟舉兵天必不祐若大  
王奮一鼓之威萱必自敗麗王答曰吾非畏萱  
俟惡盈而自僵耳先是萱送絕影名馬於高麗  
至是聞識有絕影名馬至百濟止之語悔之使  
人請還其馬麗

高麗遣使如唐

王笑而許之



丁新羅景哀三年○後百濟三  
後唐天成二年  
亥十五年○高麗天授十年  
契丹天顯二

年  
春正月高麗王自將伐百濟

龍州降之  
龍州今龍宮  
時甄萱違盟屢舉兵侵

欲強吞故麗王伐  
之新羅出兵助之  
高麗王入運州破

百濟兵於城下○夏四月高麗



王攻百濟熊州不克○秋七月

高麗遣元甫金樂等攻破百濟

太良城八月高麗王徇百濟康

州下之

王徇康州今晉過高思君伊城今  
慶城主興達降之於是百濟諸城

皆降於高麗九月百濟王甄萱寇新羅



龍衣破都城執王弒之立金傳為

新羅王大掠而還

萱攻燒近品城山  
陽進襲高鬱府逼

至王畿王遣使告急于高麗麗王謂侍中公萱  
等曰新羅與我同好已久今有意急不可不救遣  
公萱等將兵一萬赴之求至萱以輕兵猝入都  
城時王方與妃嬪宗戚出遊鮑石亭置酒娛樂  
忽聞兵至倉卒不知所為王與夫人走匿城南  
離宮從臣宮女俱被陷沒萱縱兵大掠入處王



宮令左右索王置軍中逼令自盡強辱王妃縱其下亂其嬪妾立王表弟金傳為新羅王虜王弟孝廉宰臣英景等盡取子女百工兵仗珍寶以歸崔氏溥曰景哀之時甄賊跋扈侵逼郊畿猶且荒淫遊佚燕安自肆鮑石之樂方酣而宣兵奄至君臣被戮宮闈見辱言之可謂於悞

高麗王自將救新羅與百濟王

宣戰于公山敗績

麗王聞甄宣已入都城王遇害大怒



遣使吊祭自率精騎五千星夜南馳遇萱於公  
山丘大之桐數萱縱兵大戰高麗兵大敗萱兵  
圍王甚急高麗大將軍申崇謙與元甫金樂力  
戰死之舉軍幾盡麗王僅以身免萱乘勝追北  
取大木郡今木川仁同屬冬十一月百

大木未燒盡田野積聚

濟侵高麗碧珍郡正朝索湘死

之正朝名○十二月百濟遣使于高



麗

萱寄書高麗曰昨者新羅國相金雄廉等

將召足下入京有同鸞應黿聲是欲鸚披

隼翼必使生靈塗炭社稷丘墟是用先着祖鞭

獨揮韓鉞誓百僚如皦日諭六部以義風不意

奸臣遁逃邦君薨變遂奉景明王之表弟憲康

王之外孫勸即尊位再造危邦喪君有君於是

乎在足下不詳忠告徒聽流言百計窺覷多方

侵撓尚不能見僕馬首拔僕牛毛冬初都頭索

湘束手於星山陣下月內左相金樂暉骸於美

利寺利勝覽作下殺獲居多追禽不少強羸若

利寺利勝覽作

下殺獲居多追禽不少強羸若



此勝負可知。所期者掛弓於平壤之樓，飲馬於  
湟江之水。然以前月吳越國使班尚書傳王詔  
旨，知卿與高麗比。因質子之兩亡，遂失和親之  
舊好。今專發使赴卿本道，又移文高麗，宜相親  
比。永孚于休。僕義篤尊王情深，事大及聞詔論，  
即欲祇承。但慮足下欲罷不能，困而猶聞。今錄  
詔書寄呈，請留心詳悉。且玃盧迭憊，終必貽譏。  
蚌鷸相持，亦為所笑。宜迷復之為戒，無後悔之  
自貽。麗王復書曰：華軺膚使爰致制書，兼承教  
誨。雖增感激，難遣媿疑。今托回軒，輒敷危祉。僕



仰承天假。俯迫人推。過叨將帥之權。獲赴經綸之會。頃以三韓厄會。九土凶荒。黔黎多屬於黃巾。田野無非於赤土。庶幾弭風塵之警。有以救邦國之災。爰自善隣於焉結好。及至酉年。時維陽月。忽焉生事。至於交兵。足下始輕敵而直前。終知難而勇退。拱手陳辭。指天作誓。僕亦尚止戈之武。期不殺之仁。遂解重圍。以休疲卒。不辭質子。但欲安民。此則我大有德於南人也。豈謂軟血未乾。兇威復作。蜂蠆之毒。侵害於生民。虎狼之狂。為梗於畿甸。金城窘迫。黃屋震驚。伏羲



尊周誰似桓文之霸。乘間謀漢。惟看莽卓之奸。  
致使王之至尊。枉稱子於足下。尊卑失序。上下  
同憂。足下見毫釐之小利。忌天地之厚恩。斬戮  
君王。焚燒宮闕。殖醢卿士。虐劉士民。姬姜則取  
以同車。珍寶則集之衽載。元惡浮於桀紂。不仁  
甚於梟獍。僕怨極崩天。誠深卻日。庶效鷹鷂之  
逐。以申犬馬之勤。再舉干戈。兩更槐柳。動必成  
功。舉無虛發。逐尹郤於海岸。積甲如山。禽鄒祖  
於邊城。伏屍蔽野。燕山郡畔。斬吉吳於軍前。馬  
利城陰安邊。戮隨晤於燾下。拔任存之日。邢積



等數百人捐軀破青州之時直心等四五輩授  
首桐藪望旗而潰散京山州今星含璧而投降康  
州則自南而來歸羅府則自西而移屬侵攻若  
此收復寧遙必期砥水營中雪張耳之恨烏江  
亭上成漢王之功竟息風波永清寰海天之所  
助命將何歸況承吳越王殿下特出綸於丹禁  
諭戢難於青丘既奉訓謨敢不尊奉若足下抵  
承睿意悉戢免機不但副上國之仁恩抑亦紹  
東海之絕緒若不過而高麗遣使如唐  
能改其如悔不可追



戊子新羅敬順王元年○後百濟三  
十六年○高麗天授十一年  
○後唐天成三  
年○契丹天

題三  
年春正月高麗元尹金相救

康州敗死  
百濟侵康州高麗元尹官金相  
等將往救之路經草八溪今草城

為城主興宗所  
敗金相死之  
夏五月百濟王襲康

州高麗將軍有文降于百濟  
高麗



康州守將珍景運糧于古子郡百濟潛師襲康  
州珍景等還戰而敗死者三百餘人將軍有文  
遂降于萱秋七月高麗王自將攻百

濟三年城不克

三年城在報思

○百濟侵高

麗清州將軍使黔弼擊手敗之

初麗

王命黔弼城湯井

今溫陽

郡時百濟將金萱哀式

等領兵三千餘人來侵清州一日黔弼登郡南



山坐睡夢一大人言明日西原必有變宜速往  
救黔弼驚覺徑趣清州與戰敗之追至禿岐鎮  
殺二百餘人百濟遣將城陽山高麗擊

走之

百濟使將軍官昕城陽山

今沃川屬縣

麗王

如忠州命元甫王忠將兵擊走之昕退

保大良城縱軍焚取大木郡禾稼分兵屯烏於

谷於是竹嶺路塞麗王命王忠等往謀于曹勿

郡

冬十一月百濟拔高麗烏於



谷城

百濟王萱選勁卒攻拔烏於谷城殺戍卒千餘人將軍楊志明式等六人出降

王集諸軍于毬庭以六

人妻子徇諸軍棄市

高麗王巡視北

界

己新羅敬順二年○後百濟三

○後唐天成四年

丑十七年○高麗天授十二年

○契丹天顯四

年夏六月天竺二僧三藏至高麗



王備儀迎之。○秋七月百濟拔

高麗義城守將金洪術死之。萱以甲卒

五千攻義城拔之城主將軍洪術戰死麗王聞之哭之慟曰吾失左右手矣萱又侵順州麗將

元奉追冬十月百濟圍高麗加恩

縣不克。○十二月百濟圍古

加恩縣今屬慶屬縣



昌郡高麗王自將救之

古昌今安東

庚新羅敬順三年○後百濟三  
寅十八年○高麗天授十三年○  
後唐長興元年○契丹天顯五

年春正月新羅載嚴城將軍善

弼降于高麗

時羣盜競起所在奪掠麗王欲通使新羅以路梗為

患弼居載嚴

今真寶

以計通好于新

高麗王

羅因捍賊屢有功麗王厚遇之



伐百濟兵于古昌大破之東方

州郡盡降於高麗

麗王救古昌至禮安鎮與諸將議曰

戰若不勝將如之何大相公萱洪儒等曰脫或不利不可從竹嶺道還宜預修間路將軍庾黔弼曰臣聞兵克器戰危事有死之心無生之氣然後可以決勝今臨敵不戰先慮折北何也若不及救以古昌三千餘衆拱手與敵豈不痛哉臣願進軍急擊王從之丙戌進次古昌郡之瓶



山萱軍石山相距五百步許王遂及萱戰至日  
暮庾黔弼引輕兵自猪首峯奮擊之百濟兵大  
潰萱脫身走獲百濟侍郎金渥等濟軍死者八  
千餘人王入城謂黔弼曰今日之捷卿之功也  
以古昌郡城主金宣平為大匡權幸張吉為大  
相幸本姓金以其達權歸順賜姓權氏於是永  
安即下縣河曲直明疑今曲疑今臨河直明松生今屬  
青等三十餘郡縣相繼來降王之與萱戰也萱  
別遣將攻陷順州掠人戶而去王即  
移軍順州修其城池罪將軍元奉

二月



高麗遣使告捷于新羅

麗王遣使告古昌之

捷新羅遣使報口致書請相見是時新羅東邊沿海州郡皆降於高麗自溟州至興禮總百十

餘城秋八月芋陵島遣使貢方物

于高麗

島在東海中

冬十二月高麗

王如西京創置學校置博士官



以秀才廷鶚為書學博士別創學院

聚六部生徒教之賜絲帛以勸之

新羅敬順四年○後百濟三

○後唐長興二年

十九年○高麗天授十四年

○契丹天顯六

年

春二月新羅王及高麗王會

于都城

新羅又遣使高麗王請相見辛亥  
麗王率五十餘騎至畿內先遣將

軍善弼問起居王命百官迎于郊遣王弟相國

等迎于城門外王出應門外迎拜麗王答拜王



由左麗王由右揖讓升殿麗王命扈從諸臣拜  
王情禮備至仍宴于臨海殿酒酣王曰小國不  
天為甄萱極喪何痛如之泫然泣下左右莫不  
嗚咽麗王亦流涕慰藉之麗王遺王太后夫人  
國相以下  
夏五月高麗王還  
癸未麗  
禮物有差  
送至災域以相國金格廉為質而從都人士女  
感泣相慶曰昔甄氏之來如逢豺虎今王公之  
來如見  
秋八月高麗遣使聘于新  
父母



羅

遣王鞍馬綵錦并賜百官綵帛軍民茶幙頭僧尼茶香等物有差

高麗

令北界州鎮築館于城外

麗王下制曰北

蕃之人人面獸心飢來飽去見利忘恥今雖服事向背無常宜令所過州鎮築館城外待之

高麗流大匡庾黔弼于鵠島

聽

言也崔氏溥曰中庸九經尊賢居一而尊賢之事去讒為先漢光武時人有上章告馮異權重



者帝以章示異仍報曰將軍之於國家義為君  
臣。思猶父子何嫌何疑。由是讒言不行。奈何麗  
祖遽信讒人。姜斐之說放逐勲賢。竄之鮫  
鰐之鄉。幾不得生回。後雖悔悟。復何益哉。

# 麗史提綱卷之一



通正... 高麗

金... 城外...

善之人... 州...

... 州...

... 州...



麗史提綱卷之二

太祖紀下

壬辰

新羅敬順五年○後百濟四

○後唐長興三年

十年○高麗天授十五年

○契丹天顯七

年夏五月高麗西京大風

西京大風屋瓦

皆飛時又有民家雌鷄化為雄麗王下教曰朕頃葺西京徙民實之庶幾平定三韓將都於此



今者民家雌鷄化雄大風頽壞官舍夫何災變  
至此也昔晉有邪臣潛蓄異課其家雌鷄化為  
雄不悛其惡卒致誅滅吳王劉渚之時大風毀  
門拔木渚不知戒亦以覆亡今賦貢煩重勞役  
不息竊恐緣此以致天譴夙夜憂懼不敢遑寧  
尚慮羣臣不行公道使民怨咨忒懷非分致此  
變異各宜悛心毋及於禍

六月百濟將龍基直降

于高麗

直守百濟燕山郡為萱腹心以其  
長子直達次子金舒及一女為質



於萱嘗朝百濟見其無道謂直達曰今見此國  
奢侈無道吾雖密通不願復來聞高麗王公文  
足以安民武足以禁暴故四方無不畏威懷德  
予欲歸附汝意何如直達曰自入質以來觀其  
風俗惟恃富強競務驕矜安能為國今大人欲  
歸明主保安弊邑不亦宜乎直達當與弟妹俟  
隙而歸縱不得歸死無恨矣願大人勿以為慮  
直遂決意來朝麗王大悅遇之甚厚萱聞直降  
大怒囚直達金舒及其女烙斷股筋直  
達死金舒獲不死百濟亡後乃生還

秋七



月高麗王遣子武巡北界○九

月百濟侵高麗

萱遣將相貴以舟師入禮城江焚鹽安今延白

今白

貞德今豐

三州船一百艘取猪山島牧馬而

歸又使將軍尚衷等攻掠大牛島麗王命大匡

萬歲等救

之不利

冬十月高麗召使黔弼

還

大牛島之役萬歲等不利麗王患之黔弼白鵠島上疏曰臣雖負罪在貶聞百濟侵



我海鄉臣已選本島及包乙島丁壯以充軍隊  
又修戰艦以禦之願上勿憂王見書泣曰信讒  
逐賢子不明也即遣使召還慰之曰卿實  
無罪見謫曾不怨憤惟思輔國子甚愧之十

一月高麗內奉卿崔凝卒

凝黃州人自幼

力學既長通五經善屬文有公輔器嘗事弓裔  
為翰林郎草制誥甚愜其意裔曰所謂聖人得  
非斯人耶及事王夙夜恪勤多所獻替麗王甚  
重之嘗謂曰卿學富才高無識治體憂國奉公



匪躬蹇蹇古之名臣無以過也至是卒年三  
十五年王甚痛悼之謚熙愷後配享太祖廟庭

高麗遣使如唐○高麗王自將

攻百濟一年城拔之

一年城  
全燕岐用龔  
直之策也

癸新羅敬順六年○後百濟四

○後唐長興四年

己十一年○高麗天授十六年

○契丹天顯八

年春三月唐遣使冊高麗王建



為高麗王夫人柳氏為河東郡

夫人

柳氏貞州人三重大匡天弓之女王之為恭封將也將兵過貞州宿天弓家柳

氏因侍寢焉其後絕不相聞柳氏守志剃髮為尼王聞之召以為夫人高麗自是除天授年號

始行後

唐年號

百濟寇新羅高麗征南將

軍庾黔弼戰手敗之

百濟統軍神劍等兵至檣山城阿弗



鎮等處劫掠人物麗王恐濟兵復入羅都命征  
南大將軍庾黔弼往救之黔弼自義城選壯士  
八十人赴之至槎灘謂士卒曰若遇敵於此吾  
必不得生還但慮汝等同罹鋒刃其各善自為  
計士卒皆奮曰吾輩盡死則已豈可使將軍獨  
不生還乎因相與誓心既涉灘遇百濟軍黔弼  
欲與戰濟兵見黔弼部伍精銳不戰自潰黔弼  
至新羅老幼出城迎拜垂泣言曰不圖今日得  
見大匡微大匡吾其魚肉乎黔弼留七日而還  
遇神劍等於子道與戰大破之禽其將今達興



弓等殺  
獲甚多

甲午  
新羅敬順七年○後百濟四  
十二年○高麗太祖十七年○  
後唐清泰元年  
契丹天顯九

年  
春正月高麗王巡歷西北界

夏五月高麗王幸禮山鎮  
王下

制略曰予造此新邦勞役瘡痍之民豈予意哉  
但于戈未定巡省州鎮欲令赤子得免綠林之



難由是男盡從戎婦猶在役不忍勞苦或逃匿山林或號訴官府者不知幾許王親權勢之家或從而陵暴予宣家至而目睹宜爾公卿將相諒予愛民之意民有論訴官吏掩護者輒以名

聞高麗西京旱蝗○秋七月渤海

海國世子大光顯率衆奔高麗

渤海本粟末靺鞨也唐武后時高句麗人大祚榮進保遼東唐睿宗封為渤海郡王因自稱渤海



海國並有扶餘肅慎等十餘國有文字禮樂官府制度五京十五府六十二州地方五千餘里衆數十萬世與契丹為讎後唐同光三年契丹大舉攻之圍忽城渤海王大譴譔戰敗乞降其國遂亡於是渤海人前後奔高麗者連歲接踵以千萬計至是渤海世子大光顯率衆數萬來投麗王賜姓名曰王繼附之宗籍特授元甫守白州以奉其祀賜僚佐官爵軍士田宅有差

九月高麗王自將攻百濟渾州



及百濟王萱戰大敗之

麗王自將  
攻運州百

濟王萱簡精甲五千至城下使謂麗王曰兩軍  
相鬪勢不俱全恐無辜士卒多被殺傷宜結和  
親各保封疆麗王會諸將議之右將軍庾黔弼  
曰今日之勢不容不戰願上觀臣等破敵勿憂  
也遂乘其未陣以輕騎數千橫擊之斬獲三千  
餘級百濟軍大敗萱狼狽脫走於是百濟熊津  
以北三十餘

城聞風自降

高麗參知政事王儒



卒

即朴儒也

謚章順

乙未

新羅敬順八年

○後百濟四十三年

○後唐清

○高麗太祖十八年

○是年新羅亡

○恭二年

○契丹天

顯十年

春三月百濟甄神劔囚

其君萱於金山佛寺殺其弟金

剛自立為王

初百濟王萱多妻媵有子十餘人第四子金剛身長



多智萱特愛之欲傳其位其兄良劍龍劍出鎮于外但神劍在側伊餐名能與使人與良劍龍

劍陰謀勸神劍作亂神劍遂與能與畫策囚萱

於金山寺殺金剛自立為百濟王按甄萱起自

拓境奄有百濟之舊帝嗟三韓餘四十年其財

力之富一兵之強足以雄麗羅而先鳴矣然其

殘虐狼貪斬艾生靈曾草管之不如已足以覆

國絕世矣加以父子之問愛憎不均繼嗣未定

其卒喪身於賊子者謂盜

非恠也宣也謂盜

賊羣居無終日之謂歟

計者非萱之謂歟

高麗鹿以庾黔弼

為都統大將軍出鎮羅州麗王謂諸將曰



羅州界四千餘郡為我藩籬久服風化近為百  
濟所劫掠五年之間海路不通誰為我撫之洪  
儒朴述熙等曰臣雖無勇願效尺寸王曰凡為  
將帥貴得人心大匡公萱悌弓等曰黔弼可王  
曰予亦思之但近者新羅路梗黔弼往通之子  
念其勞未敢再命黔弼曰臣年齒已衰然此國  
家大事敢不竭力王喜岳涕曰卿若承命何喜  
如之遂拜都統大將軍送至禮成江賜御舡遣  
之及黔弼經略羅州而還  
王又幸禮成江迎勞之

夏六月甄萱



奔高麗

萱在金山三月飲醉守卒與季男能义及嬖妾等奔羅州請入朝于

高麗王使庾黔弼由海路迎之及至待以厚禮稱萱為尚父授館南宮佐百僚上賜揚州為食邑兼賜金帛奴婢各四十口廐馬十匹

秋九月高麗王

幸西京○冬十一月新羅降于

高麗國三

王以四方土地盡為他有國勢孤弱不能自立乃與羣臣謀降



高麗有一王子諫曰。國之存亡。必有天命。當與忠臣義士。收合人心。以死自守。力盡而後已。豈宜以一千年社稷。一朝輕以與人。王曰。孤危若此。既不能強。又不能弱。至使無辜之人。肝腦塗地。吾不忍也。乃使侍郎金封休。賫書請降於高麗。王子哭泣辭王。經入皆骨山。倚巖為屋。麻衣草食。以終其身。吳氏濔曰。王子義烈。可與北地王。謀爭光日月。而名不傳。東方文獻埋沒可惜。○封休至高麗。麗王受書。遣使往報。王遂率百僚發王都。都人士女皆從之。香車寶馬。連亘三



十餘里道路填咽觀者如堵麗王遣人中路問  
慰癸卯王至開京麗王備儀出郊迎勞館于柳  
花宮妻以長女樂浪公主己未王上書麗王曰  
本國久經喪亂曆數已窮無復望保基業請以  
臣禮見麗王不從辛酉高麗羣臣癸王曰天無  
二日土無二王一國二君民何以堪願聽羅王  
之請壬申麗王御天德殿會百僚曰朕與新羅  
軟血同盟庶幾兩國相好永保社稷今羅王固  
請稱臣卿等亦以為可朕心雖愧衆意難違乃  
受王庭見之禮羣臣稱賀歡聲震地於是麗王



拜王為政丞位太子上。歲給祿千石。創神鸞宮。賜之。其從者並收錄。優賜田祿。除新羅國都為慶州。仍賜為食邑。新羅自漢宣帝五鳳元年始祖王赫居世開國。三姓繼立。朴氏十王。昔氏八王。金氏三十七王。共九百九十二年而亡。金氏富軾曰。新羅朴氏。昔氏皆自卯生。金氏從天入金。攬而降。或云乘金車。此尤詭恠不可信。但原厥初在。者其為己也。儉其為人。也。寬其設官也。略其行事也。簡以至誠事中國。梯航朝聘之使相續不絕。常遣子弟造朝而宿衛。入學而講。



習于以龍襲聖賢之風化革鴻荒之俗為禮義之  
邦又憑王師之威靈平百濟高句麗取其地郡  
縣之可謂盛矣而奉浮屠之法不知其弊至使  
閭里比其塔廟齊民逃於緇褐兵農浸少而國  
家日衰則幾何其不亂且亡哉於是時也加之  
女據尊位恣行淫穢嬖幸用事羣盜並起及至  
景哀荒淫無度與宮人左右出遊鮑石亭置酒  
酣酗甄萱之兵猝至而不覺也與夫門外韓擒  
虎樓頭張麗華無以異矣若敬順之歸命大祖  
雖非獲已亦可嘉矣乃能封府庫籍郡縣以歸



之其有功於朝廷有德於生民甚大昔錢氏以  
吳越入宋蘇子瞻謂之忠臣今新羅功德過於  
彼遠矣我太祖妃嬪衆多其子孫亦繁衍而顯  
宗自新羅外孫即實位此後繼續者皆其子孫  
豈非陰德之報者歟崔氏溥曰金富軾以金傳  
比之錢氏而謂功德遠過有何所見而然歟吳  
越之於宋奉藩述職君臣之分定矣新羅之於  
高麗與此不同蓋恭封者新羅之叛賊麗祖泰  
封之臣也雖恭封既斃麗運曰昌然新羅之於  
高麗未嘗屈膝稱藩一朝棄宗社獻土地北面



而朝可乎。錢氏則自鏐因黃巢之亂而始據吳越子孫相承歷五季至宋太祖獻十三州因留宿衛以累代藩臣一朝效順納土非以諸侯屈已辱身之比也。金傳雖賊萱所立衰微不振新羅三姓相傳幾一千年其深仁厚澤足以固結人心。若臣若民豈無自靖自獻如三仁者思先王之澤而不忘如殷民者乎。況王子論天命人心反覆切諫奈何敬順拒孝子之諫乃以一千年祖宗之重器數千里之提封稽顙拱手與之他人乎。敬順之於高麗弱不可強危不自存自



強為善以待天時可也。如不獲已，合餘燼背城  
借一死於社稷可也。顧不省悟，身為降虜，北面  
稱臣，匍匐進退於麗之闕庭，其異於晉愍、吳皓  
者幾希矣。後雖富貴薰炙，外孫繁衍，安能雪亡  
國失身之大恥乎？如敬順者，大節已亡，餘不  
足取。富軾比而等之錢氏，復何所見而然歟？

十九年

是年後  
百濟亡

○後晉天福元年  
契丹天顯十一年

春

二月百濟將軍朴英規遣使請



# 降于高麗

英規甄萱女壻也為將軍及神劍為逆萱來投英規密語其妻

曰大王勤勞四十餘年功業垂成一朝以家人之禍失地投於人夫貞女不事二夫忠臣不事二君若捨吾君以事賊子則何面目以見天下之義士乎況聞高麗王仁厚勤儉以得民心殆天啓也必為三韓之主盍致書以安慰我王無致慙懃於王公以圖將來之福乎其妻曰子之言是吾意也遂遣人歸款且曰若舉義兵請為內應王大喜厚賜其使令歸報曰若蒙君惠道



路無梗則先謁將軍升堂拜夫人。秋九月  
兄事而姊尊之終必有以厚報之。

王自將征百濟大破之甄神劔

降王赦神劔斬能與沅良劔龍

劔等甄萱死于軍

甄萱請於王曰老臣遠涉滄海來投

聖化願伏威靈以誅賊子耳王初欲待時而動  
憐其固請乃從之夏六月先遣正胤武將軍朴



述熙領步騎一萬趣天安府秋九月自率三軍  
繼至天安合兵進次一善山今善郡神劍以兵逆  
之王分部諸將令甄萱及大相堅權朴述熙等  
領騎兵一萬大將軍能達奇言等領步軍一萬  
合為左綱大相金鐵拱儒朴守卿等領騎兵一  
萬大將軍王順俊良等領步軍一萬合為右綱  
溟州大匡王順式大相兢俊等領騎兵二萬大  
相庾黔弼領黑水鐵勒諸蕃勁騎九千五百大  
將貞順哀珍宗熙等領步軍三千合為中軍又  
使大相公萱等領步騎一萬五千為援兵四軍



合八萬七千餘人鼓行而前。百濟左將軍孝奉等見兵勢大盛，免胄投戈降于甄萱。馬前於是賊喪氣不敢動。王勞孝奉等問神劍所在。孝奉等曰：「在中軍。」左右夾擊，賊不勝矣。王命大將軍公萱直擣中軍。三軍齊進，奮擊賊兵大潰。虜將軍昕、康等三千二百人，斬首五千七百餘級。賊倒戈相攻，諸軍追至黃山。今連郡踰炭嶺，神劍與其弟良劍、龍劍及文武官僚來降。王大悅，勞慰之。命攸司放虜，獲百濟將士並還本土。惟昕、康等四十餘人送至京師。王面責能與曰：「始與



龍劍等謀囚君父立其子者汝也人臣之義當如是乎與俛首不能言遂命誅之。流良劍龍劍于真州。尋殺之以神劍僭位為人所脅罪輕二弟且又歸命特免死賜官。於是甄萱憂慙發疽數日卒于黃山佛舍。王入百濟都城謂朴英規曰自萱失國遠來其臣子無一人慰籍者獨卿千里嗣音以致誠意無歸款寡人義不可忘遂拜佐丞又下令曰今渠魁既已納款無犯我赤子存問將士量才任用軍令嚴明秋毫不犯州郡按堵老幼皆呼萬歲相慶後百濟自甄萱僭



號凡四十四年而亡。金氏富軾曰：新羅數窮羣盜蝟起，然其劇者弓裔、甄萱二人而已。弓裔本新羅之孽子，而反以宗國為讐，圖夷滅之。至斬先祖之畫像，其不仁甚矣。甄萱起自新羅之民，食新羅之祿，而包藏禍心，幸國之危，侵軼都邑，虐劉君臣，若草薶而禽獮之，實天下之元惡大憝。故弓裔見棄於其臣，甄萱受禍於其子，皆自取之也。又誰咎哉？按神劍因父自立，其罪不惟貧其死，又從而罷之。爵噫此何等政刑也。牧逆天下之極惡，而邦有常刑，不可以在於仇敵，而上下其律也。若以歸命而赦之，則是宋助隋廣亦有法，大嚴於治天下焉。有是理哉。况春秋討逆之法，大嚴於治。



其黨與良劍龍劍雖實翔計而神劍與之同心  
躬犯大逆則厥罪均也又安可分別首從於其  
間乎抑麗祖之南征也為利其土地耶將討其  
亂逆耶惟其聲罪討逆故一戰而降百濟數千  
果之易也封疆不然則雖以麗祖之威德末應如  
之易也則義勝而名正故也麗祖之威德末應如  
元惡則義勝而名正故也麗祖之威德末應如  
以義而終濟以利使天下後世之為亂臣賊子  
者無所終濟以利使天下後世之為亂臣賊子  
不懼豈可  
惜哉

# 王至自百濟

王還都御威鳳樓受文武百官

及百姓朝賀王既定三韓欲使為人臣子者明  
於禮節遂自製政誠一卷誠百僚書八篇頒諸

中冬十二月大匡裴玄慶卒  
外冬十二月大匡裴玄慶卒  
玄慶



疾篤王親臨問疾執手相訣王出門而玄慶卒  
王遂駐駕命官庇喪事謚武烈後配享太祖廟

庭創廣興現聖彌勒內天王開

# 泰等寺

先是王患齊民多避役為僧崔凝請除佛法王曰新羅之季佛氏之

說入人骨髓人以為死生禍福皆佛所為今三

韓甫一人人心未定若遽除佛法必生反側矣按麗

史太祖欲去佛教恐人心未定而不果愚竊不信也王者創業垂統立法定制除去一異教何患人心之反側乎是麗祖實中心篤好而故為是說以拒崔凝也惟其篤好之也故自立國以



丁酉

來今歲創寺明年僧從事釋教  
 始無虛歲為人表率而尊尚如此  
 幾何不舉一世靡然從之也躬自  
 萬好而欲其民之不好也安可得子  
 儒卒謚忠烈後配立金氏為夫人  
 享太祖廟庭  
 初金傳請降王曰今王以國與我其賜大矣願  
 結婚宗室永為甥舅之好傳曰伯父億庶有女  
 可備內政王遂納  
 為夫人生子郁

大相洪

儒卒

享太祖廟庭

立金氏為夫人

二十年

後晉天福二年○契丹天顯十二年

夏五月金



傳獻玉帶

帶長十圍六十二銖。乃新羅真平王之所帶。俗所謂聖帝帶者。

也。羅人以為有神。世為國之鎮寶藏。之南庫。垂四百年。至是金傳獻之。

遣使

如晉賀登極

二十一年

後晉天福三年。契丹會同元年。

春三月

西天竺僧弘梵來王備法駕迎

戊戌



之○秋七月碧珍郡將軍李恣

言卒

恣言羅季保碧珍郡時羣盜充斥道路斷絕恣言獨堅城固守遣使請降王厚

遇之恣言感激團結軍丁儲峙資糧以孤城介於羅濟必爭之地屹然為東南聲援至是卒

始行後晉年號○築西京羅城

○冬十二月耽羅世子末老來



朝始賜星主王  
子等爵號

己亥

二十二年

後晉天福四年○契丹會同二年

春三月

佐丞龍基自卒

王遣使致城肅州安  
弔謚奉義

州

肅州  
今肅州

○晉遣使加冊王開府

儀同三司檢校太師



庚子

二十三年

後晉天福五年。契丹會同三年。

春三月

改州府郡縣號。○初立之役分

田法

自朝臣至軍士勿論官階視人性行善惡功勞大小給之有差

重修

新興寺

置功臣堂畫三韓功臣於東西壁設無遮大會一晝夜歲以為常

晉還歸質子王仁曜

先是遣仁曜入質于晉至是歸



之

丑辛

二十四年

後晉天福六年○

契丹會同四年

夏四月

大匡吏黔弼卒

黔弼有將略得士卒心每出征受命即行不宿

於家所至有功終始寵遇諸將莫及謚忠節後配享太祖廟庭

遣使如晉

獻方物



壬寅

二十五年

後晉天福七年○  
契丹會同五年

冬十月

契丹遣使來聘流其使于海島

契丹遣使送索馳五十匹王以契丹嘗與渤海  
連和忽生疑貳背盟殄滅此甚無道不可遠結  
為隣遂絕交聘流其使三十人于海島繫索馳  
萬夫橋下皆餓死史氏曰交隣國柔遠人固封  
壇謹使命者萬世保國之長策也契丹之失信  
於渤海何與於我而為渤海報復拒其來使甚



癸卯

矣流之海島却其橐駝又甚矣而致令餓死絕  
之如仇讎彼之報我以仇讎無足恠也自是邊  
釁日深至成宗其禍燎原迨顯宗乘輿南遷國  
之不己如綫其禍已滔天矣下逮高宗其遺種  
為患孔棘究厥所由皆麗祖待強寇失其道之使然也可勝歎哉

二十六年

後晉天福八年○  
契丹會同六年

夏四月

王親述訓要十條

制曰朕聞大舜耕  
歷山終受堯禪高



帝起沛澤遂興漢業朕亦起自單平認膺推戴  
夏不畏熱冬不避寒焦身勞思十有九載統一  
三韓叨居大寶二十五年身已老矣第恐後嗣  
縱情肆欲大亂紀綱爰述訓要以傳諸後庶幾  
朝披夕覽永為龜鑑其一日我國大業必資諸  
佛保護之力故創禪教寺院差遣住持各治其  
業後世奸臣徇請各業寺社爭相褻奪功宜禁  
之其二曰諸寺院道詵所古定外妄加創造則  
損薄地德祿業不永朕念後世王公后妃各稱  
願堂或增創造則大可憂也新羅之求競造浮



屠衰損地德以至於亡可不戒哉其三曰傳國  
以長雖曰常禮然丹朱不肖堯禪於舜實為公  
心若元子不肖與其次子次子又不肖與其兄  
弟之衆所推戴者俾承大統其四曰惟我東方  
舊慕唐風文物禮樂悉遵其制殊方異土人性  
各異不必苟同契丹禽獸之國風俗不同言語  
亦異衣冠制度慎勿效焉其五曰西京為我國  
地脉之根本大業萬代之地宜當四仲巡駐留  
過百日以致安寧其六曰燃燈所以事佛入關  
所以祀天靈及名山大川龍神也後世奸臣建



白加減者切宜禁斷其七曰人君得臣民之心  
為甚難欲得其心要在從諫遠讒而已從諫則  
聖讒言如蜜不信則讒自止又使民以時輕徭  
薄賦知稼穡之艱難則自得民心國富民安古  
人云芳餌之下必有懸魚重賞之下必有良將  
張弓之外必有避鳥垂仁之下必有良民賞罰  
中則陰陽順矣其八曰車峴以南公州江外山  
形地勢並趨背逆人心亦然彼下州郡人不宜  
在位用事禁國戚昏姻其曹屬官寺奴婢津驛  
雜尺或投勢弄權亂政致灾者必有之矣雖其



良民亦不許在位用事其九曰百僚之祿視國  
大小以為定制不可增減無功人及親戚私昵  
虛受天祿者亦切宜戒之又以強惡之國為隣  
安不可忘危兵卒宜加護恤量除徭役每年秋  
訓閱勇銳其十曰有國有家做戒無虞周公無  
逸一篇宜當圖揭出入觀省十訓之終皆結中  
心藏之四字召大匡朴述熙親授之以訓後嗣  
後王相傳以為寶崔氏傳曰麗祖始一三韓創  
業垂統宜往求古先哲王貽謨燕翼之道垂憲  
萬世可也今作訓要其條凡十而一則曰奉佛



二則曰創寺丁寧反覆于燃燈八關山水地理  
之說從諫遠讒輕徭薄賦儆戒無虞顧居其末  
欲以此訓後世子孫效尤以為家法惠定以後  
佛氏之禍日新月盛馴致於妖僧遍照而王氏  
之祀遂絕惜哉五月王薨太子即位王不豫  
侍坐王曰漢文遺詔云天下萬物之萌生靡有  
不死死者天地之理物之自然奚可甚哀前古  
哲王秉心如此予遘疾已歷二旬視死如歸有  
何憂也漢文之言即予意也內外機務久不決



者卿等並與太子裁決而後聞丙午疾大漸御  
神德殿命學士金岳草遺詔文成王不復語左  
右失聲大哭王問此何聲也對曰聖主作民父  
母今欲棄羣臣臣等痛不自勝耳王笑曰浮生  
自右然矣言訖而薨壽六十七遺命內外庶僚  
並聽東宮處分喪葬園陵制度依漢魏二文故  
事悉從儉約王規模宏遠正朝廷明賞罰崇節  
儉用賢良重儒道謚曰神聖廟號太祖太子武  
即位李氏齊賢曰忠宣王嘗言我太祖規模德  
量生於中國當不減宋太祖宋太祖事周世宗



世宗賢主也待宋太祖甚厚宋祖亦為之盡力  
及恭帝幼冲政出太后迫于羣情而受周禪蓋  
出於不得已也我太祖事弓裔猜忌之君三韓  
之地裔有其二太祖之功也以不世之功處必  
疑之地可謂危矣而國人歸心將士推戴然猶  
固讓欲徇延陵之節吊伐之事亦豈得已哉其  
好生惡殺而信賞必罰推誠功臣而不假以權  
創業垂統固宜一揆矣至若宋祖以江南李氏  
比之鼯睡卧榻則石晉所賂契丹山後之十六  
州蓋視為囊中物既收北漢將長驅以定秦漢



之彊耳我太祖即位之後金傳未賓甄萱未虜  
而屢幸西都親巡北鄙其意亦以東明舊壤為  
吾家青氊必席卷而有之豈止操鷄搏鴨而已  
哉由是觀之雖大小之勢不同二祖規模德量  
所謂易地皆然者也忠宣聰明好古中原博雅  
之士如王構閻復姚遂蕭爽趙孟頫虞集皆游  
其門蓋嘗與之尚論也史臣曰太祖御下以寬  
而賢智效力待人以誠而遠近響應好生之仁  
出於天性恤民之心發乎至情甄萱父子相戾  
則伐而取之金傳君臣來朝則禮以待之以契



冊之強而侵滅與國則絕之以渤海之弱而失  
地無歸則撫之屢幸西京以為根本之地也親  
巡北鄙以連犢犂之俗也草創更始雖未遑於  
禮樂而其規模遠略深仁厚澤固已培養五百  
年之國  
脉矣  
六月葬顯陵  
自王薨凡二十七  
日而葬以神惠王  
后柳氏  
祔葬

惠宗紀  
名武大  
祖長子



元年

後晉開運元年。契丹會同七年。

春遣使如晉

告嗣位兼賀

冬十二月翰林院令

破契丹也

平章事崔彥撝卒

彥撝新羅人性寬厚能文章年十八

入唐登第後還新羅及太祖開國挈家而來命為太子師傅委以文翰之任一時貴游皆師事之至是卒謚文英



乙巳

二年

後晉開運二年。

春晉遣使冊

王○以長公主妻弟昭

大匡王規  
諸王弟堯

及昭有異圖王知其誣恩遇愈厚會司天供奉  
崔知夢奏流星犯紫微國必有賊王意規謀害  
堯昭之應乃以長公主妻昭用強其勢史氏曰  
娶妻不娶同姓禮也雖百世婚姻不通況至親  
乎惠宗之以公主妻昭何也太祖不世出之主  
也有志化俗而狃於習俗不能變自是厥後視



為家法恬不為  
異言之醜也

王規謀弒王王移御

重光殿

初太祖納規女為妃生子曰廣州  
院君規欲立之譖王弟堯昭欲殺

之王不聽規遂謀弒逆嘗夜伺王睡熟遣其黨  
潛入卧内將弒之王覺之一拳即斃令左右曳  
出不復問一日王不豫崔知夢又奏將有變宜  
以時移御王即潛徙重光殿規夜率其黨穴壁  
而入寢已空矣規見知夢拔劍罵之曰上之移  
御必汝謀也知夢竟無言規乃退王雖知規所



為亦不罪之。常以甲士自衛。史氏曰：太祖能駕馭羣雄，初大業也；而不知規之匪人，使之居股肱之地，付托孤之任，惠宗能繼體守文也；而知規逆謀，拱手謹避，高麗王百年君弱臣強之端，已兆於此矣。

秋九月王薨弟先立

王疾篤羣臣不

得入見。檢小常侍側。九月戊申薨于重光殿。壽三十四。王氣度恢弘，智勇絕倫。自王規謀逆之後，多所疑忌，喜怒無常。羣小并進，賞賜無節。內外嗟怨，謚義恭。廟號惠宗。陵曰順陵。王諸子幼。



羣臣奉太祖第二子堯立為王。堯母即神明順  
成太后劉氏。太師兢達之女也。李氏齊賢曰。羽  
父請弑桓公。將以求太宰。隱公不聽。亦不討之。  
終致為氏之禍。王規之譖。王兩弟亦羽父之意  
也。惠宗不致之罪。顧使君左右其免於袖刃壁  
人之謀。可謂幸也。時去太祖棄代甫耳。規之不  
義而得衆。已能如漢魏之曹馬耶。其未有以竄  
殛之何也。嗚呼。小人之難遠也。如此。可不戒哉。

王規殺大匡朴述熙

述熙素與王規  
相惡。惠宗疾天




漸述熙不自安常以兵百餘自隨王之末即位也疑述熙有異志流于甲串及惠宗薨規矯新王命追殺之述熙性勇敢累樹戰功後謚嚴毅配享惠宗廟庭王規伏誅惠宗之寢疾也王知王規將作亂密與西京大匡王式廉謀應變及惠宗薨規將作亂王薨之翌日式廉引兵自平壤入衛規不敢動乃竄于甲串遣人追斬之誅其黨三百餘人

# 定宗紀

名堯太祖

第二子







漸述熙不自安常以兵百餘自隨王之末即位  
也疑述熙有異志流于甲串及惠宗薨規矯新  
王命追殺之述熙性勇敢曾討  
戰功後謚嚴毅配享惠宗廟庭  
王規伏誅  
惠宗之寢疾也王知王規將作亂密與西京大  
盧王式廣謀應變及惠宗薨規將作亂王亮之  
翌日式廣引兵自平壤入衛規不敢動乃  
竄于甲串遣人追斬之誅其黨三百餘人

# 定宗紀

名堯太祖

第二子







